



CRITERIA FOR PROVIDING MEMBERSHIP PRINCIPLES FOR TYPES OF EDUCATIONAL ACTIVITY

Musurmonov Rammatilla,
TVCHDPI "Pedagogy and Management" Associate Professor, Ph.D.

Umrzakov S.
Master's degree in "Pedagogy and Psychology" TVCHDPI

ABSTRACT

The article discusses in detail the general issues and peculiarities of the education of students in continuing education as harmoniously developed people.

Keywords and phrases: Continuing education, upbringing, activity, membership, criteria, characteristics, personality, formation, harmonious personality, spiritual wealth, social knowledge, culture, educational process, family, children and youth organizations, media, prevention, behavior, individual -psychological features.

В статье подробно рассматриваются общие вопросы и особенности воспитания подрастающего поколения как гармонично развитых людей.

Ключевые слова: Непрерывное образование, воспитание, активность, членство, критерии, характеристики, личность, формирование, гармоничная личность, духовное богатство, социальные знания, культура, образовательный процесс, семья, детские и молодежные организации, СМИ, профилактика, поведение, индивидуально-психологические особенности.

Тарбиявий фаолият жараёнининг ўзига хос хусусиятлари

Шахс тарбияси инсоният пайдо бўлгандан бўён ўзининг долзарблиги билан жамият аъзоларининг энг муҳим вазифаларидан ҳисобланади. Тарбия инсоннинг кўрки, унинг салоҳияти, жамиятда тутган ўрнини белгилаб беради. Шунингдек, унинг ҳаётдаги имкониятларини кенгайтириб, фаровон турмуш қуришга кенг йўл очади. Инсоннинг одобахлоқи асл миллий маънавий қадриятлар билан сугорилган бўлса, баркамоллик касб этади, шубҳасиз.

Янги Ўзбекистон шароитида ёшларга таълим-тарбия бериш, уларни баркамол инсонлар ва рақобатбардош қадрлар қилиб тарбиялаш масаласи янада муҳим аҳамият касб этмоқда. Ана шу нуқтаи назардан таълим муассасаларида тарбиявий фаолият жараёнларининг ўзига хос хусусиятлари, тарбиявий фаолият турлари, тарбиявий фаолиятнинг узвийлиги ва узлуксизлиги, тарбиявий фаолиятнинг узвийлик ва узлуксизлик тамойилига таъсир этувчи мезонлар тўғрисида фикр юритишни мақсад қилиб қўйдик.

Тарбия ҳар доим маълум бир мақсадга қаратилади. Айни замонда бу мақсадларни қуйидагича изоҳлаш мумкин.

1. *Шахснинг атрофдаги оламга ва ўз-ўзига бўлган муносабатини шаклантириши.* Бундай тарбия натижасида инсон атрофдаги олам, жамият ва бошқа инсонлар билан ўзаро муносабатларининг характеристини тасаввур қиласи, ўзининг индивидуал, ақлий-билиш, ҳиссий-иродавий, коммуникатив хусусиятлари ва хулқ-авторини тўғри англайди, жамиятда ўз ўрнини билади.

2. *Ҳар томонлама ривожланган баркамол шахсни тарбиялаш – ўзида маънавий бойлик, поклик ва жисмоний баркамолликни намоён этадиган, ўз ахлоқий ва психологик сифатларини рационал намоён этадиган, ҳар хил қийинчиликлар ва муаммоларни енга оладиган инсонни тарбиялашни назарда тутади.*

3. *Ижтимоий билимга эга бўлган шахсни тарбиялаш.* Тарбиянинг бу мақсади шахснинг ўз муносабатлари характеристини тўғри тушунишга, бошқа инсонлар билан бўлган алоқаларини адикват баҳолашга ҳамда бошқалар билан низосиз муносабатлар тузишга, жамоада тушунмовчиликка йўл қўймасликка қаратилган.



4. *Инсонни маданият орқали тарбиялаши.* Шахснинг эстетик ва маънавий баркамоллигини шакллантириш, ижодий индивидуаллигини ривожлантириш¹.

Тарбия таълим жараёни билан чамбарчас боғлиқ бўлса ҳам, таълим жараёнидан ўз хусусиятлари, аниқ вазифалари, ўзига хос функциялари, мазмуни, шакллари ва таъсир этиш усуслари билан фарқ қиласди.

1. Тарбиявий фаолият турлари

Болалар характеридаги салбий нуқсонларни бартараф этиш учун қуйидаги жараёнларда педагогик таъсирларни қўллаш мақсадга мувофиқлиги олимлар томонидан таклиф этилган.

1. *Ўқув жараёнида;*
2. *Мактабдан ва синфдан ташқари жараёнларида;*
3. *Оилавий шароитда;*
4. *Болалар ва ёшлар ташкилотлари фаолиятлари орқали;*
5. *Маданият, санъат ва оммавий ахборот воситалари орқали.*

Тарбия функциялари тарбия жараёни мазмунининг йўналганлигини таъминлайди. Уларга қуйидагилар киради:

- *Ўз-ўзини тарбиялашга ундаш;*
- *Профилактика;*
- *Шакллантирувчи, ривожлантирувчи;*
- *Аниқ масалаларни ечишига бор кучини жамлаш;*
- *Қайта тарбиялаш.*

Тарбия мазмуни унинг мақсади, вазифалари ва мотивларидан келиб чиқсан ҳолда тарбия жараёнида тарбия берувчи ва тарбияланувчининг бутун ҳаракатларини ва ўзаро таъсирини ўз ичига олади. Тарбия таълим каби икки томонлама хусусиятга эга бўлган жараёндир. Бу жараён тарбия берувчи ва тарбияланувчиларнинг ўзаро фаол ҳамкорлигида амалга оширилади. Бунда тарбия берувчи тарбия жараёнининг ташкил этувчиси ва раҳбари сифатида намоён бўлади, жараённинг ўзи эса қуйидаги қисмлардан иборат бўлган модел сифатида акс этади.

1. *Тарбия берувчининг таъсири тарбия мақсади ва вазифаларига эришиш учун зарур бўлган ҳаракатлар мажмуи сифатида.*
2. *Тарбия таъсири объекти бўлган ва тарбияловчининг тарбиявий таъсири натижасида маълум бир ўзгаришларни акс этадиган тарбияланувчи шахс.*
3. *Тарбияланувчининг тарбия берувчига муносабати, яъни тарбиявий мақсадларига реакцияси.*
4. *Шахсда шакллантирилаётган сифатлар.*
5. *Мотив, яъни тарбия жараёнида шаклланган ундовчи кучлар.*
6. *Хулқ-автор, яъни тарбия жараёни ва натижасида шахс томонидан амалга оширилаётган хатти-ҳаракатларнинг ўзига хослиги.*

Тарбия маълум бир умумий ҳолатларга асосланиб, бир қатор тамойиллар тизими орқали амалга оширилади:

- *Индивидаул ва табақалаштирилган ёндашув;*
- *Гуруҳда гуруҳ орқали тарбиялаш;*
- *Фаолият жараёнида тарбиялаш;*
- *Тарбияловчиларга нисбатан талабчан бўлиш ва шу билан бирга уларни ҳурмат қилиши;*
- *Шахс ва гуруҳдаги ижобийликка асосланиши;*
- *Тарбияда бирлик ва узлуксизликка риоя қилиши.*

Тарбияда индивидуал ва табақалашган ёндашув қуйидагиларни назарда тутади:

- *Тарбияланувчилар индивидуал-психологик хусусиятларни чуқур ва ҳар томонлама билиш ва ҳисобга олиш;*
- *Тарбияловчилар шахсий характеристикаларига мос равишда тарбия мақсадларини ишлаб чиқиш;*

¹ Алиев И.Т. Педагогика ва психология. Т.: “Фан ва технология” – 2012. Б. 202-203



- Тарбиявий иши натижаларини доимий равишда таҳлил қилиш;
- Ҳар бир тарбияланувчининг хусусиятларидан келиб чиққан ҳолда тарбия методикасига ўз вақтида ўзгартиришлар киритиш.

Гурухда ва гурух орқали тарбиялаш қуидагиларни назарда тутади:

- Барча табияланувчилар фикр ва ҳаракатларини умумлаштирадиган ва гурух ривожланишини таъминлайдиган ғоялар ишлаб чиқиш;
- Тарбияланувчиларда ўз жамоасида ғурур туйғусини шакллантириш, шахсий манбаатларини гурух манбаатларига боғлаш;
- Салбий ҳодисалар билан курашишга оид билдирилган гурух фикрини қўллаб-қувватлаш.

Тарбия қоидаси – педагог томонидан таълим ва тарбия жараёнини яхшироқ ташкил этиш мақсадида фойдаланадиган бошланғич ҳолат, раҳбарлик асосидир. Тарбия қоидалари ўқитувчи, тарбиячиларга йўл-йўриқ кўрсатувчи қоидалар ҳисобланиб, янги кишини шакллантириш вазифалари билан белгиланади. Тарбия қоидалари Шарқ ва Марказий Осиё файласуф – донишмандларининг фикрлари ва миллий педагогика эришган ютуқларга асосланади. Тарбия қоидалари мустақил характерга эга бўлиб, тарбиянинг ўзига хос хусусиятларини ва қонуниятларини акс эттиради. Тарбиявий жараёнларда бу қоидаларга риоя қилиш унинг самарасини оширади, яхши натижаларга олиб келади.

Тарбиянинг мазмуни, ташкил этилиши, усуслари ва уларга қўйиладиган талаблар шу қоидаларда ўз ифодасини топади.

Тарбиянинг моҳияти, мазмуни, қоидалари мамлакатимизда янгича иқтисодий муносабат шароитларининг ўзгарганлиги сабабли кенгайиб бормоқда.

Тарбиявий жараённи яхшилаш, уни давр талабига жавоб берадиган даражага келтириш учун деярли барча қоидаларни, усусларни, ғояларни қайтадан кўриб чиқиш, бола шахсига эътиборни қаратиш, йиллар давомида тўплланган ижобий тажрибалардан унумли фойдаланиш зарур.

Тарбия қоидаларига қуидагиларни киритиш мумкин:

- тарбиянинг маълум мақсадга қаратилганиги, тарбиянинг инсонпарварлик ва демократик қоидаси;
- тарбияни ҳаёт билан, ижтимоий фойдали меҳнат билан боғликлек қоидаси;
- тарбияда миллий-маданий ва умуминсоний қадриятларнинг устиворлиги қоидаси;
- тарбияда ўқувчиларнинг ёш ва шахсий хусусиятларини ҳисобга олиш қоидаси;
- Тарбияланувчига намуна-ўрнак бўлиш қоидаси;
- изчиллик, тизимлилик, тарбиявий таъсирнинг бирлиги ва узлуксизлиги қоидаси ва бошқалар.

Тарбияга яхлит тизимли ёндашиш тарбиянинг педагогик ҳаракатнинг пировард натижасига йўналтирилганлик даражасини белгилаб беради. Бунда педагогик мақсад ва вазифалар, унинг мазмуни тарбиявий жараённинг барча қатнашчилари томонидан тан олиниши шарт. Шунга аҳамият бериш лозимки, амалда тарбиявий жараён кўпчиликнинг иши ва узлуксиз бўлиб, барча ёшдаги болаларни қамраб олсин, тарбиянинг барча томонлари ҳамоҳанг бўлсин, турли ижтимоий, жамоат ва давлат институтлари ва муассасаларини шахс камолотини шакллантириш борасидаги ҳаракатлари мужассасаланган бўлсин.

Тарбия ишида изчиллик жуда муҳимдир. Тарбиячи аввалига болалардан бирор нарсани талаб қилиб, сўнгра ўзининг бу талабини унтиб қўйса ёки ўзи бу талабга хилоф иш қилса, бу ҳол тарбияга жуда ёмон таъсир қиласи.

Болаларга жуда қўп талаб ва қоидаларни тақдим қилиш мумкин эмас. Болаларга тарбия ва таълим беришда узлуксизлик ва тизимлиликка қатъий риоя қилиш керак.

Ҳамма тарбиячилар ўқувчига бўлган муносабатларида бир-бирларига зид ҳаракатда бўлмасликлари, бир хил ягона талаб қўйишлари лозим. Тарбиявий ишда бундай изчилликка риоя қилиш муҳимдир.



Ўқувчиларга тарбиявий таъсир кўрсатишида изчиликка риоя қилиш, муомалани аввалгича давом эттириш ва бир хил талаб қўйиш муваффакият қозонишнинг энг муҳим шартларидан биридир. Афсуски, амалда байзан оила мактабнинг талабларини қўллаб-қувватламайдигина эмас, балки ўқувчига тескари таъсир кўрсатади. Ўқитувчилар орасида ҳам талабларнинг бир хиллиги ҳамиша таъминланавермайди. Тарбия узоқ муддатли, мураккаб жараён бўлиб, унда ота-она, ўқитувчи, жамоатчилик ва бошқалар қатнашадилар. Шу сабабли уларнинг ишида изчилик ва давомийлик бўлишига риоя этиш, ўқувчиларнинг тарбияланганлик даражасини, тарбия усуслари ва шаклларини ўз вақтида аниқлаб олиш жуда муҳимдир. Бу қоида тарбия ишида тарбияни амалга оширадиган барча бўғинларнинг (оила, мактаб, ўқувчилар ва ёшлар ташкилотлари, мактабдан ташқари тарбия муассасалари ва ишлаб чиқариш жамоаларининг, кенг жамоатчиликнинг) ҳамжиҳат ва бамаслаҳат иш кўришини кўзда тутади. Чунки тарбиявий таъсирдаги тизимлилик фақат ёшларни эмас, балки аҳолининг барча қатламини қамраб олиши керак. Аҳоли қатламларини тарбия ишига жалб қилишдаги ранг-баранг шакл ва усуслари ижтимоий-иқтисодий ҳам педагогик жиҳатдан, нафақат туб аҳоли, балки Республикада истиқомат қилаётган бошқа миллатлар ва элатларнинг этнопедагогикаси позицияси жиҳатидан ҳам таъминланиши керак.

Ёшлиарни замонага мос баркамол инсонлар қилиб тарбиялаш муаммолари тобора ортиб бораётганлиги нуқтаи назаридан ота-оналарнинг фарзандлари тарбиясидаги масъулиятларини янада кучайтириш мақсадида амалдаги “Оила, маҳалла ва таълим муассасаси” концепциясига ота-оналар фаолият кўрсатаётган корхона, ташкилот ва ишлаб чиқариш муассасаларини ҳам киритишини мақсадга мувофиқлигини эътироф этмоқчимиз. Ота-оналар фаолият олиб бораётган ишлаб чиқариш корхона, давлат ва хусусий ташкилот, муассаса раҳбарлари орқали ўз фарзанди тақдирига бефарқ бўлган оила бошлиқларига таъсир кўрсатиш ва уларга ёрдам бериш муҳим аҳамият касб этади.

Бу борада Чирчиқ давлат педагогика институти “Педагогика ва менежмент” кафедраси профессор-ўқитувчиларининг бу борада бошлаган ишлари диққатга сазовордир. “Мактаб лаборатория” тажриба майдончалари сифатида танланиб, “Янги, инновацион таълим кластери” доирасида инновацион илмий тадқиқот ишларининг кенг қўламда давом эттирилаётганлиги мисол бўла олади.

Фойдаланилган адабиётлар:

1. Алиев И.Т. Педагогика ва психология. Т.: “Фан ва технология” – 2012. Б. 202-203
2. Макаренко А.С. О дисциплине // Собр.соч., т. 5.М.,1958; Флаги на башнях// Собр.соч. т.5.,т.3.М.,1971 .
3. Мардонов Ш.Қ. Янги таълимий қадриятлар асосида педагогик кадрларни тайёрлаш ва малакасини ошириш. – Тошкент: Фан, 2006.-232 б.
4. Маҳкамов У. Ахлоқ-одоб сабоқлари. – Тошкент: Фан, 1994. –134 б.
5. Мусурмонов Р. Узлуксиз таълим тизимида интизомсиз ўқувчиларнинг ота-оналари билан ишлаш // Узлуксиз таълим – Тошкент, 2014. – № 2. - 30-35 бетлар.
6. Рашидов Ҳ.Ф., Дехкамбаева З.А., Алимходжаева С. Оила - интизомсиз ўқувчилар хулқига таъсир этувчи ижтимоий-педагогик омил сифатида// Maktab va hayot. – Тошкент, 2015. - № 4. - 20-23 бетлар.
7. Рашидов Ҳ.Ф., Дехкамбаева З. Мактаб ўқувчилари ўртасида интизомлиликни шакллантиришнинг ташкилий-методик омиллари. // Халқ таълими – Тошкент, 2015. – № 1(109). - 6-10 бетлар.
8. Рашидов Ҳ.Ф., Мусурмонов Р. Дарс интизомига нисбатан салбий муносабатларнинг келиб чиқиши сабаблари ва уларни олдини олиш йўллари // Мактаб ва ҳаёт – Тошкент, 2015. – № 1(109). - 2-5 бетлар.
9. Юсупов Э. Ёшлиарнинг маънавий камолоти. Т.: Ўзбекистон, 1995.